

欒城後集卷第三

詩七十首

大行皇太后挽詞二首

累朝宗內治晚歲擅鴻勳立子得元聖收簾奉長君  
一言消橫逆多難弭紛紜仙馭曾非遠長瞻輦洛雲  
又

家風承舊相國體繼皇姑定策從中禁傳聲震海隅  
春風開閉蟄朝露濕焦枯萬里生還客冠纓浹雨濡  
追尊皇太后挽詞二首

月缺年何久龍飛事一新追崇名號正同柎禮容均



鳳翥低迎日龍輜細起塵都人知舜孝擁紼盡露巾

又

德羨鍾岐嶷榮華倍感傷一時朝野恨百世本支長  
出祖悲無憾因山儉有光它年過嵩洛望拜裕陵旁

贈史文通奉議二首

墻北史居士掛冠心轉閑頂開人共怪神去夜深還  
白雪微侵鬢丹砂久駐顏從君欲問道何日徑開關

又

有叟住東野畏人希入城君時共還往我欲問修行  
早歲識巖客近時逢絳生真能訪茅屋屣履試將迎

次前韻示楊明二首

晚歲有餘樂天教一向閑山高陽百口住嶺外七年還  
十宅先隣晏勞飄欲飲顏吳僧來不久相約叩禪關

又

甘井元依廟干湖亦近城幅巾朝食罷芒屨雨中行  
擾擾初何事悠悠畢此生欲邀東郭叟煩子作郊迎

唐修撰義門挽詞二首

家風臺柏老遺直故依然節見南遷後神疑未瞑前  
臨民舊有法訓子適成篇九轉今猶在參同豈妄傳

又

我返南荒日君臨舊許初笑談寬老病旌旆擁茅廬  
酒盞開雖數溪堂到尚踈誰言生死隔近在浹旬餘

寺題登封揖仙亭一首

靈王太子本讀書縱談穀洛參諸儒生來不見全盛  
初老成遺訓誰楷摸心知漸矣文武餘蕭然直入山  
中居山間吹笙鳳凰呼升天白日乘龍車周人聚觀  
拜路隅明月為佩雲為裾歸來千歲孰在無赤松老  
彭自為徒上待玉宸臨九區烜赫不類山澤癯依山  
作邑賢大夫夜中焚香遡空虛我欲從之駕肩輿秋  
風八月來徐徐

吳冲卿夫人秦國挽詞二首

國老相隨盡家風慨獨存見夫成相業聽子得忠言

夫人長子起居昔將論事以南遷  
之憂訪於夫人夫人以當官許焉氣節慙多士聲華

盛一門平生高義重未易俗人論

雅頌成章早春秋發論長風規留叔向文采似中郎  
覽古明興廢臨危喜激昂南遷初不恨李杜得從滂

十一月十三日雪一首

南方霜露多雖寒雪不作北歸亦何喜三年雪三落  
我田在城西禾麥敢嫌薄今年陳宋災水旱更為虐  
閉糴斯不仁逐熟自難卻飢寒雖吾患尚可省鹽酪

飛蝗昨過野遺種遍陂樂春陽百日至鬧若蠶生箔  
得雪流土中及泉盡魚躍美哉豐年祥不待炎火灼  
呼兒具樽酒對婦同一酌誤認屋瓦鳴更願開雪脚  
補子瞻贈姜唐佐秀才一首 并引

予兄子瞻謫居儋耳瓊州進士姜唐佐往從之遊  
氣和而言道有中州士人之風子瞻愛之贈之詩  
曰滄海何曾斷地脉白袍端合破天荒且告之曰  
子異日登科當為子成此篇君游廣州州學有名  
學中崇寧二年正月隨計過汝南以此句相示時  
子瞻之喪再逾歲矣聞之流涕念君要能自立而

莫與終此詩者乃為足之

生長茅間有異芳風流稷下古諸姜適從瓊管魚龍  
窟秀出羊城翰墨場滄海何曾斷地脉白袍端合被  
天荒錦衣它日千人看始信東坡眼目長

遷居汝南一首

我昔還自南從此適舊許再歲常杜門壁觀無與語  
何人自驚顧未聽即安處亟逃潁州籍來貫汝南戶  
妻孥不及將童僕具罇俎身如孤棲鵲夜起三逸樹  
故人樂安生風節似其父忻然暫一笑捨我西南去  
去已還閉門時作野田步蕭條古僧舍遺像得顏魯

精神凜如生今昔吾與女已同羈窮厄但脫生死怖  
幸世方和平有土非寇虜春寒燒黃茅晝飯煮青茹  
何必溪上田幸此足粳稌歸心念狂簡裁製時已莫

索居三首

索居非謫地垂老更窮途去住看人意幽憂賴我無  
小園花草穢陋巷犬羊俱近覺根塵離忘言日益愚

又

平生亦何事十載苦顛躓夢嶮曾非嶮覺迷終不迷  
客居兼壯子別久愧良妻稍訝音書闊春陰道路泥

又

許蔡古隣國風煙相雜和蕭然客舍靜不願主人過  
野莽春將老淮魚夏漸多街南病居士有酒對酣歌

聞諸子欲再質卞氏宅一首

我生髮半白四海無尺椽卞氏昔冠冕子孫今蕭然  
願以棟宇餘救此朝夕懸願我亦何有較子差尚賢  
傾囊不復惜埽地幸見捐南隣隔短墻兩孫存故廬  
松竹手自種風霜歲逾堅幽花亂蜂蝶古木嘶蜩蟬  
垂陰可數畝成功幾百年人心苦無厭隱居恨未圓  
得之苟有命老矣聊息肩畚上填隙穴結茅首漏穿  
粗爾容偃息豈復求華鮮西歸信已乎水雜孫陳編

任氏閱世堂前大檜一首

君家大檜長百尺根如車輪身弦直壯夫連臂不能  
抱孤鶴高飛直上立狂風動地舞枝榦大雪翻空洗  
顏色人言此會三百年未知昔是何人植君家大夫  
老不遇一生使氣未嘗屈沒身不說歸故里遺愛自  
知懷舊邑此翁此檜兩相似相與閱世何終極汝南  
山淺無良材櫟柱棟椽聊障日便令殺身起大厦亦  
恐衆材無匹敵且留枝葉撓雲霓猶得世人長太息

贈蔡駙居士一首

結茅汝上只三間種稻城西僅一廬梅老外生詩律  
在秀公弟子佛心傳埋盆疊石常幽坐留客開樽輒  
醉眠聞道隣僧乞米送時無韓子定誰憐

癸未生日一首

我生本無生安有六十五生來逐世法妄謂得此數  
隨流登中朝失脚墮南土人言我當喜亦言我當懼  
我心終頽然喜懼不入故歸來二頃田且復種禾黍  
或疑潁川好又使汝南去汝南亦何為均是食粟處  
兒言生日至可就瞿曇語平生不為惡今日安所許  
老聃西入胡孔子東歸魯我命不在天世人汝何預

白鬚一首

中歲謬學道白鬚何由生故人指我笑聞道未能行  
我笑謝故人唯唯亦否否老聃古道師白髮生而有  
佛告波斯匿汝有不白存亭中掌亭人何嘗隨客奔  
客去不用留主在亭不毀墁墻支折棟在我不在爾  
道成款玉晨跪乞五色丸肝心化黃金齒髮何足言

寒食二首

寒食今年客汝南餘樽傾瀉亦醺酣道人久厭世間  
濁僧舍猶存肉食慙花折園夫時送客錫留孫女尚  
分甘永叔詩有為翁之句欲遊紫極誰為伴長揖孤松對  
不談紫極宮有巨松可數人抱

寄住汝南懷嶺南五年一醉久猶酣身逃爭地差云  
靜名落塵寰終自慙耳畔飛蠅春尚在鼻中醇酢近  
能甘今朝寒食唯當飲買酒先防客欲談

潁川城東野老一首姓劉氏名正

我歸潁川無故人城東野老須如銀少年推埋起黃  
塵晚歲折節依仙真走如麀鹿人莫親呼來上堂飲  
清樽踞牀閉目略頻伸指我黃河出混嶠東流入海  
還天津沐浴周遍繞逡巡嬰兒跣趺乘日輪脫身遊  
戲走四隣逢人不告非自珍許我已老知閉門東朝  
太山款負君告我不返遊我岷還家一舍卧不晨闔

棺空空但衣巾平生自言師洞賓嗟世賤目貴所聞  
汝南示三子一首

此生賴有三男子到處來看老病翁飲食粗便魚稻  
足音塵不隔馬牛風道場莫問何方是舍宅元依畢  
竟空且爾不歸歸亦得汝曹免復走西東

謝任亮教授送千葉牡丹一首

花從單葉成千葉家住汝南疑洛南亂剝浮苞任狼  
籍併偷春色恣醺酣香穠得露夕彌馥頭重迎風似  
不堪居士誰知已離畏金槃剪送病中庵

思歸二首

汝南百日留走遍三男子思歸非吾計聊亦為爾耳  
行裝理肩輿客舍卷床第兒言世情惡平地風波起  
舟行或易搖舟靜姑且已匏繫雖非願雙屈當有埃  
老人思慮拙小子言有理晨炊糜粟紅晚市淮魚美  
索居庖無人歸去迎伯姊終歲得安閑幽居無彼此

又

我老不待言有女年四十念我客汝南無與具朝食  
翩然乘肩輿面有風土色許蔡雖云近傳舍三經夕  
衰老累汝曹愧歎心不憚磨刀鱸縷紅洗盞酒花白  
母老行役難女來生理葺外孫跨鞍馬遇事亦閑習



居然數口家解我百憂集厄窮須父子它人非所及

萬蝶花一絕

誰唱殘春蝶戀花一園粉翅壓枝斜美人欲向釵頭  
插又恐驚飛鬢似鴨

春盡一首二月二十  
三日立夏

春風過盡百花空燕坐笙簫起滅中樹影連天開翠  
幕鳥聲入耳當歌童楞嚴十卷幾回讀法酒二升是  
客同試問隣僧行乞在何人閑暇似衰翁

夢中詠醉人一首四月十日  
夢得篇

城中醉人舞連臂城外醉人相枕睡此人心中未必

空甞爾頽然似無事我生從來不解飲終日騰騰少  
憂累昔年曾見樂全翁自說少年飲都市一時同飲  
石與劉不論升斗俱不醉樓中日夜狂歌呼錢盡酒  
空姑且止都人疑是神仙人誰謂兩人皆醉死此翁  
年老不復飲面光如玉心如冰我今在家同出家萬  
法過前心不起此翁已死誰與言欲言已似前生記

立秋偶作一首六月二十  
三日

十年憂患本誰知慙愧仙翁有舊期度嶺還家天許  
我斫山種粟我尤誰秋風欲踐故人約春氣潛通病  
樹滋心似死灰鬢似雪眼看多事亦奚為

汝南遷居一首

病暑暑已退思歸未成歸人事不可期當受不當違  
客居汝南城未覺吾廬非忽聞鵲反巢坐使鳩驚飛  
三遠擇所安一枝粗得依我來衆草生漸見百卉腓  
天行若循環物化如發機閉目內自觀此理良密微

寄內一首

與君少年初相識君年十五我十七上事姑章旁兄  
弟君雖少年少過失昏晨定省歲月短五十還朝定  
何益憂深責重樂無幾失足一墜南海北身居甯中  
不見天仰面虛空聞下石丈夫學道等憂患婦人亦

爾何從得歸來舊許生白鬚回顧慙君髮如漆遷居  
汝南復何事龜老支牀隨所擲相望一月兩得書聞  
君肺病久消釋我經三伏常暴下近喜秋風埽烝濕  
病除寢食未復故相見猶驚身似腊劉根夫婦俱有  
道去日饒君著鞭策

病愈二首

學道雖云久沉痾竟未除炎烝度三伏晡曉覺中虛  
嘉穀不自長荒榛終費鉏何辭用蘭石梨棗得扶踈

又

病退日身輕身輕心轉清山空流水上海靜寸燈明

朝市誰留任林泉自不行筠溪慙丐士流蕩過平生  
九日三首

早歲寡歡意衰年仍病纏客居逢九日十酒破千錢  
萸菊驚秋晚兒孫慰目前登高懶不出多酌任頽然  
又

狂夫老無賴見逐便忘歸小酌還成醉僑居不覺非  
妻孥應念我風雨未縫衣憂患十年足何時賦式微  
又

黃菊與秋競白鬚隨日添時人知不意野老未相嫌  
但酌清樽盡猶存薄俸霑日西聞客至更問酒家帘

立冬聞雷一首

十九月二日

陽淫不收斂半歲苦常燠禾黍飼蝗螟粳稻委平陸  
民飢強扶耒秋晚麥當宿閔然候一兩霜落水泉縮  
蒼蔚山朝濟滂沱雨翻瀆經句勢益暴方冬歲愈蹙  
半夜發春雷中天轉車轂老夫睡不寐稚子起驚哭  
平明牀中處松菊半摧秃潛發枯草萌亂起蟄蟲伏  
薪樵不出市晨炊午未熟首種不入土春餉難滿腹  
書生信古語洪範有遺牘時無中壘君此意誰當告

將歸二首

十月二日作

久客初何事言歸似有名騰騰且隨俗落落竟無成

病苦醫猶厭囊空身自輕家人驚別後無限白鬚生  
又

為客不滿歲還家見兩孫遙知臨竹戶相對引瓢樽  
老罷那嫌瘦心寬尚喜存風波隨處有何幸免驚奔

示資福諭老一首 并引

予讀楞嚴至塵既不緣根無所偶反流全一六用  
不行釋然而笑曰吾得入涅槃路矣然孤坐終日  
猶苦念不能寂復取楞嚴讀之至其論意根曰見  
聞逆流流不及地名覺知性乃嘆曰雖知返流未  
及如來法海而為意所留隨識分別不得名無知

覺明豈所謂返流全一也哉乃作頌以示諭老

幽居百無營孤坐若假寐根塵兩相接逆流就一意  
意念紛無端中止不及地寂然了無覺乃造真實際  
百川入滄溟衆水皆一味止為潭淵深動作濤瀾起  
動止初何心乃遇適然耳吾心未嘗勞萬物將自理  
三不歸行一首

客心搖搖若懸旌三度欲歸歸不成方春欲歸我自  
懶秋冬欲歸事自變問我欲歸定何時天公默定人  
不知孔公晚歲將入楚磐桓陳蔡行且住昭王已死  
不復南意欲歸老父母邦衛靈父子無足取姑爾息

肩竇東魯三桓豈知用聖人哀公亦自不能臣冉求  
一戰却齊虜請君召師君亦許歸來閉戶理詩書弁  
冕時出從大夫夢見周公已不復老死故國心亦足  
孔公愈老愈 屯 邗顧我未及門下賢鄉邦萬里不  
能往妻孥近寄潁川上依嵩架頰結茅茨自問此志  
於何期汝南一寓歲行復來年歸去栽松竹

罷提舉太平官欲還居潁川一首

避世山林中衣草食芋栗奈何處朝市日耗大倉積  
中心久自笑公議肯相釋終然幸寬政尚許存守秩  
經年汝南居久與茅茨隔祠官一掃空避就兩皆失

父子相携扶里巷行可卽屋弊且圯墻蝗餘尚遺粒  
交遊忌點染還往但親戚閉門便衰病杜口謝彈詰  
餘年迫懸車奏草屢濡筆籍中顧未敢爾後儻容乞  
幽居足暇豫肉食多憂慄永懷城東老未盡長年術  
次遲韻寄适遜一首

飢民畏寒尤惡雪旋理破裘絀敗纈我雖久客未成  
歸黍酒萼蕘還潑節汝南薪炭舊如土爾來薄俸纔  
供藝眼前煖熱無可道心下清涼有餘絮潁川歸去  
知何時祠宮欲罷無同列夜中髣髴夢兩兒欲逐老  
人先聚說

次遲韻對雪一首

十一月十七日

雪寒近可憂麥熟遠有喜我生憂喜中所遇一已委  
平生聞汝南米賤豚魚美今年惡蝗旱流民鬻妻子  
一食方半菽三日已下耜號呼人誰問慙慙天自適  
繁陰忽連夕飛霰墮千里卷舒驚太速原隰殊未被  
貧家望一麥生事如毛起荐飢當逐熟西去真納屨

還穎川一首

甲申正月五日

昔賢仕不遇避世遊金馬嗟我獨何為不容在田野  
歌區寄汝南落泊及長社東西俱畏人何適可安者  
故廬已荆榛遺壠但松楸頽齡迫衰暮舊物一已陪

安能為妻孥辛苦問田舍平生事瞿曇心外知皆假  
歸休得溟渤坐受百川瀉何人實造物未聽相陶冶  
題郟城彼岸寺二首

文殊院古栢

曾看大栢孔明祠行盡天涯未見之此樹便當稱子  
行它山只可作孫枝棟梁知事誰家用舟楫唯應海  
水宜日莫飛鷗集無數青田老鶴未曾知

武宗元比部畫文殊玄奘

遺墨消磨顧陸餘開元一一數吳盧本朝唯有宗元  
近國本長留後世模出世真人氣雍穆入蕃老釋面

清癯居人不惜遊人愛風雨侵陵色欲無

上巳日久病不出示兒姪二首

春氣侵脾久在牀開門桃李著泥香牛鳴頗覺西湖  
近鳳去長憐北榭荒欲出老人無伴侶退歸諸子解  
農桑南隣約賣千竿竹拄杖穿林看筍長

卧聞諸子到西湖鵲鷺翩翩衆客俱紈扇藤屨試輕  
駢隻雞斗酒助歡娛行歌久已饒渠輩睡美猶應屬  
老夫春服既成沂可浴孔門世不乏迂儒

葦東齋一首二月十日

弊屋如鷲巢歲歲添泥土泥多斲完潔屋老終難固

况復非吾廬聊爾避風雨圖書易新幌几杖移故處  
宵眠不擇安鼻息若炊釜兒孫喜相告定省便蚤莫  
我生溪山間弱冠衡茅往生來乏華屋所至輒成趣  
苦恨無囊金莫克償地主投老付天公著身豈無所

次遲韻千葉牡丹二首

淇上名園似洛濱花頭種種鬪尖新共傳青帝開金  
屋欲遺姚黃比玉真秦嶺猶應采詩句杜鵑直恐降  
天神老人髮少花頭重起舞歌斜酒力勻

老人無力年年懶世事如花種種新百巧從來知足  
妄一機何處定非真園夫漫接曾無種物化相乘豈

有神畢竟春風不揀擇隨開隨落自勻勻

盆池白蓮一首

白蓮生淤泥清濁不相干道人無室家心迹兩蕭然  
我住西湖濱蒲蓮若雲屯幽居常閉戶時聽遊人言  
色香世所共眼鼻我亦存隣父閱我獨遺我數寸根  
澗水不入園庭有三尺盆兒童汲甘井日晏泥水溫  
及秋尚百日花葉隨風翻舉目得秀色引息收清芬  
此心湛不起六塵空過門誰家白蓮花不受風霜殘

詠竹二首

湖濱宜草木脩竹可三尋廬居多野思移種近牆陰

及爾迷未醒方子熟正侵無嫌不逮本地薄肯成林

又

南隣竹甚茂門巷不容賓縣印君當往囊金我患貧  
翠旌稍亂起犀角筍初勻不惜圖書賣端來作主人

見兒姪唱酬次韻五首

芝蘭生吾廬一兩一增舊本亦何預人懷抱終眷眷  
老傳時已迫塵垢日須浣永慙舊文書展讀不終卷

又

讀書雖不惡不讀亦自好根牙就區別花實隨時老  
耘鉏不可無雨露勿憂以我釣不在魚一竿寄洲島



又

宇宙非不寬，開門自為阻。心知塵外惡，且志閑居苦。  
跏趺默非睡，龕燈翳復吐。道士為我言，嬰兒出歌舞。

又

身病要須閑，閑極自成趣。空虛雖近道，懶拙初非悟。  
偶將今生脚，還著古人屨。大小適相同，本來無別處。

又

西湖雖不到，甘井竊餘涼。三伏罷飲酒，桂漿攜一觴。  
冠者五六人，起舞互低昂。人生有離合，此歡未易忘。

初得南園一首

倒囊僅得千竿竹，掃地初開一畝宮。千里故園寬廢  
裏，百年生事寂寥中。晏家不願諸侯賜，顏氏終成陋  
巷風。洗竹移花吾事了，子孫它日記衰翁。

移竹一首

牆陰竹叢密，板築念相妨。欲補園東缺，欣乘雨後涼。  
三年生筍遍一徑，引風長。但恐翁彌老，節枝懶復將。

記夢一首

七月二十六日丑

長魚三叉困橫盆，送入清流喜欲奔。報我金匙僅盈  
寸，擲還聊喜不貪存。

樂城後集卷第三

樂城後集卷第四

詩七十首

葺居五首

南堂初一家隔絕歲月久開牆北風入爽氣通戶牖  
棟梁未堪折斤斧聊結構非言事輪奐粗反昔人舊

又

庭方止數尋風月所從入百年養毒樹攢芒比刀戟  
伐之念生久不伐愁跣足且復為人謀庖椹利朝食

皂角木  
宜食椹

又

竹林失蕃養春筍日瑣細草蔓半縈纏樗櫟互駭蔽  
已令具刀鑿稍俟秋霜厲欲成林下飲更種園東地

又

雜花生竹間竹荒花亦瘁移花通在鞭春到兩皆遂  
牆東破茅屋排去收遺址時來恰瓦礫細細留花地

又

東南皆民居屋敗如齧齒一完城未能綴葺聊且爾  
內修晝夜虞外結比隣喜無心本何營生理未免此

再賦葺居三絕

誰將脩竹寄隣家秋斫長竿春食芽旋築高牆護鷄

犬稍容秘阮醉喧譁

短垣疏戶略藏遮翠竹長松夾徑斜遊宦歸來四十  
載粗成好事一田家

南北高堂本富家百年梁柱半欹斜略教扶起猶堪  
住西望吾廬已白奢

歲莫口號二絕

六十來年又七年眼昏頭白意茫然逢人欲說平生  
舊少有能知兩世前

兩世相從今幾人回頭強半已埃塵此心點檢終如  
一時事無端日日新

雪後小酌贈內一首 乙酉正月九日

薄雪為燈止和風應節來  
出遊吾已懶小酌意難裁  
竹徑泥方滑菁畦凍欲開  
細君憐老病加料作新醅

喜雨一首 三月二十三日

奪官分所廿年來祿又絕  
天公尚憐人歲賚未與麥  
經冬雪屢下根鬚連地脉  
庖廚望甍鉅甕益思麩蘖  
一春百日旱田作龜板  
拆老農淚欲墮無麥真無食  
朱明候纔兆風雷起通夕  
田中有人至膏潤已逾尺  
繼來不違願飽食真可必  
民生亦何幸天意每相恤  
我幸又已多鋤耒坐不執  
同爾樂豐穰異爾苦稅役

時聞吏號呼手把縣符赤  
歲賦行自辦橫斂何嘗畢

收蜜蜂一首

空中蜂隊如車輪中有王子蜂  
中尊分房減口未有  
處野老解與蜂語言前人傳  
蜜延客住後人秉艾催  
客奔布囊包裹鬧如市  
坐入竹屋新且完小窻出入  
旋知路幽圃首夏花正繁  
相逢處處命儔侶共入新  
宅長子孫今年活計知  
尚淺蜜蠟未暇分主人明年  
少割助和藥慙愧野老知  
利源

養竹一首

病竹養經年生筍大如母  
初番放出林末番任供口

欲求五寸園更聽三年後蕭疎盡椽桷無復堪作帚  
吾廬適營葺便可開戶牖秀色到衣冠清風盪塵垢物  
生恨失養養至無不厚斧斤日摧剝陰陽自難救閑  
居翫草木農圃即師友養人如養竹舉目皆孝秀

和遲田舍雜詩九首并引

吾家本眉山田廬之多寡與楊子雲等仕宦流落  
不復能歸中窳嶺南諸子不能盡從留之潁川買  
田築室賒飢寒之患旣蒙恩北還因而居焉然拙  
於生理有無之計一付諸子夏五月麥方登場遲  
往從諸農夫簞瓢銍艾知以為樂作詩九章澹然

有詩人之思歸而出之為和之云

麥生置不視麥熟為一來我懶客亦惰田荒誰使開  
勤事知有獲直駕獨未回交遊悉吾病門巷多蒼苔

又

我生無定居投老旋求宅未暇棟宇完先問松筠碧  
床銳日益銷車轄轉生澁東家雖告貧嚮爾否猶未必

又

偶自十年閑非繼七人作早歲漫云云志大終落落齒  
髮已半空頭顱不難度顏曾本吾師終身美藜藿

又

至人竟安在陶鑄皆批糠世俗那得知楚楚事冠裳方  
醉狂正作吾語未可莊天定能勝人更看熟黃梁

又

平湖近西垣杖屨可以遊偶從大夫後不往三經秋盡中  
插蒲蓮菱芡亦易求閉門具樽俎父子相獻酬

又

試問西寺僧云何古佛意別無安心法但復齋師餽外  
物來無從往亦無所至佛法見在前我亦從此遊

又

老佛同一源出山便異流少小本好道意在三袖洲子房

見黃石願封小國留終老預人事斷穀為呂憂

又

蒼然澗下松不願世雕刻斧斤百夫手牽挽千牛力斲  
成華屋柱加以綴衣飾人心喜相賀松心終自惜

又

汲汲陷有為昏昏墮無記湛然古井水心在獨無意  
讀書非求解食粟姑自遂年有三男子力田奉租稅

兩病一首

晴送麥入倉雨催穀含穗共怪天公仁曲盡老農意  
誰為三日霖下漉一丈地百谷爭奔流通川不可厲夜聞

屋山落書說城闔閉老羸知柰何脾病尤所畏中宵  
得暴下亭午卧忘起良醫過我言勿藥行自喜損食  
存谷神收心辟邪氣兀然槁木居油爾元和至天唯  
不窮人人則昧其理學道三十年愧爾良醫賜

施崇寧寺馬一首并引

予自龍川還潁川安於閑放不畜車馬僧悟緣自  
成都來為予致一滇馬甚駿曰聞公歸自南方家  
無良駟此可以備登山之乘予愧其意不能却也  
然馬入吾廊輒苦多病意其非吾物也西鄰僧道  
和禪席之盛鄉閭之所奔走乃祝之曰俾爾為和

馬歸依佛法乘病或已乎因為詩以示和

南歸閉門萬事了病卧常多起常少未用田間下  
澤車何須櫪上追風驟鄉人記我少年日滇馬為  
致風前鳥三年伏櫪人共怪馬不能立心可曉坐  
馳千里氣蟠結日食生芻空自笑主人自是箕穎  
人誰復為送洮岷道支公惠眼識神駿山下泉甘  
足芳草法流一洗百病消翹足長鳴且忘老

南堂新甃范壇二首

亂竹侵紅藥病花羞晚春移根近談笑得上長精神  
榮悴非由爾芬芳止為人庭西井泉好汲灌每躬親

又

老木不忍伐橫去聲枝宜少除根莖漸有託雨露稍分餘  
生意初無損開花終自如它年諸草木成就此幽居

夢中謝和老惠茶一首

西鄰禪師憐我老北苑新茶惠初到晨興已覺三嗅  
多午枕初便一杯少七椀煎嘗病未能兩腋風生空  
自笑定中直往蓬萊山盧老未應知此妙

新霜一首

敗簷疏戶秋寒早老人脚冷先知曉濃霜滿地作微  
雪落葉投空似飛鳥新春未覺稟庾空宿逋暗奪衾

稠少旱田首種未言入敢信來年真食麩

戲作家釀二首

方暑儲麴蘖及秋春秫稻甘泉汲桐栢火候問隣媪  
唧唧鳴甕盎噉噉化梨棗一撥欣已熟急筯嫌不早  
病色變渥丹羸軀驚醉倒了雲多交遊好事時相造  
嗣宗尚出仕兵厨可常到嗟我老杜門柰此平生好未  
出禁酒國恥為甕間盜一醉汁滓空入腹誰復告俗

有入賦無

又

我飲半合耳晨興不可無千錢買一斗衆口分須臾



月俸本有助法許吏未俞愍愍坐相眎饒涎落盤盂  
頽溼舊乏水粳糯貴如珠今年利陂竭碓聲喧里閭  
典衣易鍾釜入甕生醎醐歡欣走童孺左右陳肴蔬  
細酌奉翁媪餘潤霑庖廚詰朝日南至相戒留全壺  
一家有喜色經冬可無沽莫怪社拾遺斗水寬憂虞  
冬至雪一首

早火魁不死連陰未成雪微陽九地來顛風三日發  
父老竊相語號令風為節講武罷冬夫幾旬休保甲  
嚟囚出死地冗官去煩雜手詔可人心吾君信明哲  
風頻雪猶吝來歲恐無麥天公聽一言惟幸早誅魁

歲莫二首

嶺南萬里歸來客頽上六年多病身未死誰言猶有  
命長閑豈復更尤人眼看世事知難了手注遺編近  
一新點檢平生無幾恨濁醪初熟正逢春

又

文章習氣消未盡般若初心老漸明粗有春秋傳舊  
學終憑止觀定無生維摩晚亦諧生事彌勒初猶重  
世名鬚髮來年應更白莫留塵滓溷澄清

春後望雪一首

秋雨僅熟禾冬雪不揜塊温風搜麥根天意欲為害

老農強推測妄謂春當改三陽已換節六出尚茫昧  
朝看扶桑暎夜聽土囊噫倉場久空竭榆棗方伐賣  
丁夫病風熱孺子作瘡疥無知此何辜得罪彼有在  
造物伊誰憎亦復自無柰慎勿翻雪海凍餒無疆界

除夜一首

年更六十七旬滿三百六俛仰定何為萬事如轉轂  
禪心澹不起非人自歌哭芸芸初莫禦勢盡行將復  
學道道可成無心心每足守歲聽兒曹自笑未免俗

喜雨一首

歷時書不雨此法存春我請誅旱魃天公信聞不魃

去未出門油雲裏嵩丘濛濛三日雨入上如膏流二  
麥返生意百草萌芽抽農夫但相賀漫不知其由卷  
來有巢穴遺邨九州一掃不能盡餘孽未遽休安得風  
雨師速遣雷霆搜衆魃誠已去秋成儻無憂

甲子日雨一首

一冬無雪麥方病細雨迎春歲有望愁見積陰連甲  
子復令父老念耕桑瘦田未足終年計濁酒誰供清  
且嘗賴有真人不飢渴閉門却掃但焚香

新火一首

百口共一竈終年事烹煎力耕飼飢饒竈爨火亦煩

昨日一百五老穉俱食寒呼童戛枯竹粲然吐青煙適  
從何方來熒熒百家傳性火出真空應量曾無邊老  
病何所求石餅煮寒泉歛為一夫用無心固當然

次韻和人詠醪醖一首

蜀中醪醖生如積開落春風山寂寂已憐正發香醃  
暖猶愛未開光的醪半垂野水弱如墜直上長松勇  
無敵風中娜娜應數丈月下煌煌真一色故園聞道  
開愈繁老人自恨歸無日百花已過春欲莫燕坐繩  
床空歎息朝來滿把得幽香按頭亂挿銅餅濕一盞  
花蕊轉頭空誰能往問天台拾

閑居五詠

杜門

可憐杜門久不覺杜門非牀銃日日銷髀肉年年肥  
眼暗書罷讀肺病酒亦稀經年客不至不冠仍不衣  
眇聽了不昧色聲久已微終然渾為一誰言我無歸  
坐忘

少年豈病肺納息肺自斂靈液洗昏煩百藥無此驗  
爾來觀坐忘一語頓非漸道妙有至力端能破諸暗  
跏趺百無營純白乃受染至人不妄言此說豈吾僭

讀書

習氣不易除書魔閑即至圖史紛滿前展卷輒忘睡  
古今浩無垠得失同一軌前人已不悟今人復如此  
愍然發婦憂嗟哉肉食鄙掩卷勿重陳慟哭傷人氣

買宅

我老未有宅諸子以為言東家欲遷去餘積尚可捐  
一費豈不病百口儻獲安田家伐榆棗賦役輸緡錢  
長大可雙棟瑣細堪尺椽生理付兒曹老幸食且眠

移竹一首

前年買南園本為一畝竹稍去千百竿欲廣西南屋  
本心初不爾百口居未足甌侏斤斧餘慙愧琅玕綠

東園有餘地補種何年復凜凜歲寒姿餘木非此簇  
城中牡丹推高皇廟園遲迨聯騎往觀歸報未  
開戲作一首

漢廟名園甲穎昌洛川珍品重姚黃雨餘徃看初疑  
晚春盡方開自不忙爭占一時人意速養成千葉化  
工長老人終歲關門坐<sup>花</sup>花開已兩忘

外孫文驥與可學士之孫也予親教之學作詩  
俊發猶有家風喜其不墜作詩贈之一首

已矣石室老奄然三十年遺孫生不識妙理定誰傳  
孔伋仍聞道賈嘉終象賢文章猶細事風節記高堅

春深三首

郊原紅綠變青陰，閉戶不知春已深。稍喜荒畦添野  
薺，坐看新竹補疎林。簾中飛絮繁殘夢，窓外啼鶯伴  
獨吟。欲聽楞嚴終懶出，道人知我粗無心。僧維覺時講楞嚴  
小園松竹有清陰，懶病從茲日益深。醉客滿堂慙北  
海，野僧同社憶東林。逢人問道空長嘯，久客思歸尚  
越吟。三十年前誦圓覺，年來雖老解安心。

又

偶有茅簷澗水陰，澗水自西湖北而東，吾廬適在其流近。依  
城市淺非深。幽居每自比陳寔，古學何人貴杜林。隣

父時來陪小飲，兒曹頗解續微吟。前年僅了春秋傳，  
後有仁人知我心。

次遲韻示陳天倪秀才姪孫元老主簿一首

茅簷有住客蕭蕭，清風興吾孫。成均來左右，皆良朋。為  
憐衆兄弟，將冠未有稱。條枚失煥燎，中林化薪蒸。老  
夫方苦貧，不辦酒如澗。夏田已失麥，種豆喜多蠅。俗  
多蠅為豆熟之祥，何以待君子。簞瓢容一升，君來豈非誤。門  
庭冷如冰。

再次前韻示元老一首

豪華多自悟，不待文王興。四方有餘師，十室豈無朋。

我老不知時早歲誰誤稱歸來理茅屋對客食藜藜  
遇渴即飲水何嘗問淄澠冠裳強包裹毀譽如飛蠅  
植根久已爾若頽日自升志我亦忘法無冰知消冰

築室示三子一首

宅舍元依畢竟空小乘慣住草庵中一生滯念餘妻  
子百口僑居怯雨風松竹已栽猶稍稍棟梁未具勿  
怱怱三間道院吾真足餘問兒曹莫問翁

開窻一首

綠竹琅玕色紅葵旌節花開窻風細細窺戶月斜斜  
活計無多子文章自一家一牀方病卧隨意上三車

遜往泉城穫麥一首

少年食稻不食粟老居潁川稻不足人言小麥勝西  
川雪花落磨煮成玉冷淘槐葉冰上齒湯麩羊羹火  
入腹五年隨俗粗得飽晨朝稻米纔供粥兒曹知我  
老且饒觸熱泉城正三伏田家有信呼即來亭午驅  
牛汗如浴吾兒生來讀書史不慣田間爭斗斛今年  
久旱麥粒細及半罷休饒老宿歸來爛熳煞蒼耳來  
歲未知還爾熟百口且留終歲儲貧交強半倉無穀

送元老西歸

晝錦西歸及早秋十年太學為親留讀詩俛就當年

說答策甘從下第收莫嫌簿領妨為學從此文章始  
自由家有吏師遺躅在當令耆舊識風流伯父仕宦四十年當  
時號為吏師

蜀人舊食決明花耳潁川夏秋少菜崇寧老僧  
教人并食其葉有鄉人西歸使為父老言之戲  
作一首

飲蔬舊採決明花三嗅齋香每嘆嗟西寺衲僧并食  
葉因君說與故人家

諸子將築室以畫圖相示三首

還家卜築初無地隨分經營似有時多斫脩篁終未

忍略存占栢更無疑畫圖且作百間計入室猶應三  
歲期得到安居真老矣一生歌哭任於斯

舊廬近已借諸子新宅分甘臨老時萬里松楸終獨  
往四方兄弟亦何疑竹間踈戶幽人到林上長松野  
鶴期已覺高軒慙衙賜可憐黃犬哭秦斯

積因得果通三世臨老長閑自一時久爾觀心終未  
悟偶然見道了無疑南遷北返吾何病片瓦尺椽天  
與期自斷此生今已矣世間何物更如斯

題韓駒秀才詩卷一絕

唐朝文士例能詩李杜高深獨到希我讀君詩笑無

語恍然重見儲光羲

秋社分題

天公閔貧病雨止得豐穰南畝傷功作東家杜酒香  
分均思孺子歸遺笑東方肯勸拾遺住休嫌父老狂

釀重陽酒

風前隔年麴甕釀重陽酒適從臺無餽飲啜不濡口  
秋嘗口已迫收拾煩主婦仰空露成霜寒庭菊將秀  
金微火猶壯未可多覆節唧唧候鳴聲涓涓報初溜  
輕巾漉糟脚寒泉養罌缶誰來供嘉節但約鄰人父  
生理正艱難一醉陶衰朽它年或豐餘此味恐無有

中秋無月同諸子二首

風雨來無定泥塗日向深直埋今夜月真失衆人心雲  
外天衢淨人間濁霧侵幽人久不寐起坐夜悃悃

卷衣換斗酒欵飲月明中坐看浮雲合遙憐四海同

舊說中秋陰晴清光知未泯來歲尚無窮且盡樽中

四海同之  
淶高眠聽兩風

予昔在京師畫工韓若拙為予寫真今十三年  
矣容貌日衰展卷茫然葉縣楊生畫不減韓復  
令作之以記其變偶作一首

白髮蒼顏日日新丹青猶是舊來身百年迅速何曾



佳方寸空虛老更真一幅蕭條寄衰朽異時髮鬢見  
精神近存八十一章注從道老聃門下人

九日獨酌三首

府縣嫌吾舊黨人鄉鄰畏我昔黃門終年閉戶已三  
歲九日無人共一樽白酒近令沽野店黃花旋遣折  
籬根老妻也說無生話獨酌油然對子孫

故國忘歸懶問人新居斫竹旋開門菊生牆下不知  
節酒滴床頭初滿樽漲水驟來真有浪浮雲卷去自  
無根凡心漫作穎濱傳留與它年好事孫

平昔交遊今幾人後生誰復款吾門茅簷適性輕華

屋黍酒忘形敵上尊東圃旋移花百本西軒恨斫竹  
千根舍南賴有凌雲栢父老經過說二孫

古栢孫何  
僅所種

泉城田舍一首

泉城欲治麥禾困五畝鄰家肯見分莫問三吳朱處  
士似勝吾鄉楊子雲陰晴卒歲關憂喜豐約終身看  
逸勤家世本來耕且養諸孫不用恥鋤耒

藥城後集卷第四

樂城後集卷第五

雜文一十二首

和子瞻沉香山子賦一首

仲春中休子由於是始生東坡老人居於海南以  
沉水香山遺之示之以賦曰以爲子壽乃和而復  
之其詞曰

我生斯辰閱歲六十天鑿六竇俾以出入有神居之  
漠然靜一六爲之媒聘以六物紛然馳走不守其宅  
光寵所眩憂患所迫少壯一往齒搖髮脫失足墮墜  
南海之北苦極而悟彈指太息萬法盡空何有得失

色聲橫驚香味並集我初不受將爾誰賊收眎內觀  
燕坐終日維海彼岸香木爰植山高谷深百圍千尺  
風雨摧斃塗潦齧蝕膚革爛壞存者骨骼嶢然孤峯  
秀出巖穴如石斯重如蠟斯澤焚之一銖香蓋通國  
王公所售不顧金帛我方躬耕日耦沮溺臯不求養  
蘭茝棄擲越人髡裸章甫奚適東坡調我寧下我息  
久而自笑吾得道迹聲聞在定雷鼓皆隔豈不自保  
而佛是斥妄真雖二本實同出得真而喜慄妄而慄  
叩門爾耳未入其室妄中有真非二非一無明所塵  
則真如窟古之至人衣草飯麥人天來供金玉山積  
永與東坡俱證道術

和子瞻歸去來詞一首

昔予謫居海康子瞻自海南以和淵明歸去來之  
篇要予同作時予方再遷龍川未暇也辛巳歲予  
既還潁川子瞻渡海浮江至淮南而病遂沒於晉  
陵是歲十月理家中舊書復得此篇乃泣而和之  
蓋淵明之放與子瞻之辯予皆莫及也示不逆其  
遺意焉耳

歸去來兮歸自南荒又安歸鴻乘時而往來曾奚喜  
而奚悲曩所惡之莫逃今雖歡其足追蹈天運之自  
然意造物而良非蓋有口之必食亦無形而莫衣苟  
所賴之無幾則雖喪其亦微吾駕非良吾行弗奔心  
游無垠足不及門視之若窮挹焉則存俯仰衡茅亦  
有一樽既飯稻與食肉撫簞瓢而愧顏感烏鵲之夜  
飛樹三遠而未安有父兄之遺書命却掃而閉關知  
物化之如幻蓋捨物而內觀氣有習而未忘痛斯人  
之不還將築室乎西廡堂已具而無相歸去來兮世  
無斯人誰與游龜自閉於床下息眇繇乎無求閱歲

月而不移或有爲予深憂解刀劍以買牛拔蕭艾以  
爲疇蓬累而行捐車捨舟獨棲棲於圖史或以佞而  
疑立散衆說之糾紛忽冰潰而川流曰吾與子二人  
取已多其罷休已矣乎斯人不巧惟知時時不我知  
誰爲留歲云往矣今何之天地不吾欺形影尚可期  
相冬廩之億秭知春壟之耘耔眎白首之章韋信雅  
子之書詩若妍醜之已然豈復臨鏡而自疑

潁州擇勝亭詩一首

子瞻爲汝陰守以幄爲亭欲往即設不常其處名  
之曰擇勝爲作四言一章轍愛其文故繼之云

我嗟世人誰實與謀生伏其廬死安于丘既成不化  
窘若繫囚我行四方所見或不江海之民生託于舟  
前炊釜鬻後鑿區澗晝設豆觴夕張衾裯出入濤瀾  
歸宿汀洲與風皆行與水皆浮坐食網罟以魚去留  
居無四鄰行無朋儔胡貊之民駕車以游外纏毳韋  
內輯貂馳美水薦草驅馬縱牛逐射兔鹿聚爬新標  
食肉飲水雨雪相咻草盡水乾風捲雲收所至成羣  
不懷一取今我奈何橫自綢繆翼爲華堂湧爲層樓  
繚以修垣貫以通溝勢窮物變何異一漚棄之不忍  
徙去莫由矧茲士夫况焉周流如鷲巢春知不期秋

脩椽高棟徒與民仇一日安居百年怨尤我兄和仲  
塞剛立柔視民如傷有急斯周視身如傳苟完不求  
山磬水嬉習氣未瘳豈以吾好而俾民憂頰尾甚清  
湖曲孔幽風有翠幄雨有赤油匪舟匪車亦可相攸  
民曰公來庶幾無愁

和子瞻次韻陶淵明停雲詩一首

丁丑十月海道風雨僮雷郵傳不通子瞻兄和陶  
淵明停雲四章以致相思之意轍亦次韻以報  
雲跨南溟南北一雨瞻望豈遙陷窅斯阻夢往從之  
引手相撫笑言未半捨我不佇晚稻欲登白露霄濛

人飲嘉平漿酒如江雷三曰飲酒作樂我獨何爲觀  
成于窻此心了然來無所從欣然而笑是無枯榮手  
足相依所鍾則情情忘意消神凝不征可以安身可  
以長生跋扈飛揚誰匪南柯運歷相尋憂喜雜和我  
游其外所享則多前迹拔木其如予何

和子瞻次韻陶淵明勸農詩一首

子瞻和淵明勸農詩六章哀憺耳之不耕予居海  
康農亦甚情其耕者多閩人也然其民甘於魚鮓  
蟹鰕故蔬果不毓冬溫不雪衣被吉貝故執麻而  
不績生蠶而不織羅紉布帛仰于四方之負販工

習於鄙朴故用器不作醫奪於巫鬼故方術不治  
手居之半年凡羈旅之所急求皆不獲故亦和此  
篇以苦其窮庶或有勸焉

我遷海康實編于民少而躬薪老復其真乘流得坎  
不問所因願以所知施及斯人我行四方稻麥黍稷  
果蔬蒲荷百種咸植糞溉耘耔乃後有稽爾獨何爲  
開口而食掇拾于川搜捕于陸俯鞠婦子仰薦昭穆  
閩乘其媮載來逐逐計無百年謀止信宿我歸無時  
視汝長久孰爲沮溺風雨相耦築室東臯取足南畝  
后稷爲烈夫豈一手斲木陶土器則不匱績麻繅蠶

衣則可冀藥餌具前病安得至坐而告窮相視徒愧  
莫爲之先冥不謂鄙一夫前行百夫具履以爲不信  
出視同軌期爾十年風變而美

沐老圖贊一首

老聃新沐晞髮于庭其心迫然若遺其形夫子與回  
見之而驚入而問之強使自名曰豈有它哉夫人皆  
然惟役於人而喪其天其人苟亡其天則全四支百  
骸孰爲吾纏死生終始孰爲吾遷彼赫赫者將爲吾溫  
肅肅者將爲吾寒一溫一寒交而萬物生焉物皆賴  
之而况吾身乎溫爲吾和寒爲吾堅忽心乎不知而更  
千萬年葆光志之夫非養生之根乎

香城順長老真贊一首

長老順公昔居圓邇從先子游數日耳頃予謫高  
安特以先契訪予再三予嘗問道於公以搐鼻爲  
答予即以偈謝之曰搐鼻徑參真面目掉頭不受  
別鉗錘公頷之紹聖元年予再謫高安而公化去  
已愈年矣其門人以遺像示予焚香稽首而贊之

曰

與訥皆行與璉皆處於南得法爲南長子成就緇白  
可名爲老慈愍黑闇可名爲姥我初不識以先子故

訪我高安示搖鼻語再來不見作佛嫌素向也無來  
今亦奚去

自寫真贊一首

心是道士身是農夫悞入廊廟還居里閭秋稼登場  
社酒盈壺頽然一醉終日如愚

六祖卓錫泉銘一首

六祖初住曹溪卓錫泉湧清涼滑甘贍足大衆  
今數百年矣或時小竭則衆汲于山下今長老  
公住山四歲泉日湧溢衆嗟異之聞之作銘曰  
祖師無心心外無學有來叩者雲湧泉落問何從來

初無所從若有從處來則有窮初住南華衆集須水  
水性融會豈有無理引錫指石寒泉自冽衆渴得飲  
如我說法云何至今有溢有枯泉無溢枯蓋其人乎  
辯來四年泉水洋洋烹煮濯漑飲及牛羊手不病汲  
有不病負匏勺瓦盂莫知其故我不求水水則許我  
訊于祖師其亦可哉

代李樵卧帳頌一首

子瞻在黃日以卧帳遺李樵以頌問曰問李儼老  
何心居此愛護鐵牛障闌佛子樵不能答紹聖二  
年九月訪予高安戲代荅之



鐵牛正卧佛子正渴奪我與爾是天人業為我害爾  
是地獄業安卧此間我爾休歇茲大寶帳為降魔設  
夢齋頌一首

曇秀上人遊行無定予兄子瞻作夢齋二字名其  
所至居室為作頌曰

法身充滿處處皆一幻身虛妄所至非實我觀世人  
生非實中以寤為正以寐為夢忽寐所遇執寤所遭  
積執成堅如丘山高若見法身寤寐皆非知其皆非  
寤寐無非遨遊四方齋則不遷南北東西法身本然  
抱一頌一首

道士朱元經舊居光州彭城曹九章演甫少年過  
光元經謁之演甫曰聞君未嘗求人今求我何故  
元經曰君後自當知之後若干年演甫知光州復  
見元經元經知黃白術演甫每問之元經不答曰  
有抱一法君不問我問此何用演甫在光而元經  
蛻去演甫為治後事此元經昔見演甫之意也崇  
寧甲申歲予閑居潁川演甫之子煥為我道此因  
采道書中語作抱一頌此非獨道家事乃瞿曇正  
法也

真人告我晝夜念一行一坐一眠一食一了若念一

一亦念子子不念一一則去子子若得一萬事皆畢  
飢而念一一與子糧渴而念一一與子漿寒而念一  
一與子裳病而念一一與子方鬪而念一一與子兵  
念一之至至於忘一忘一之至與一為一與一為一  
入火不然入水不溺是謂念一

藥城後集卷第五